



Kuvendi i Komunës Klinë

Komiteti për Politikë dhe Financa

01Nr 06-21560 /24

Klinë,dt: 09,07 /24

PROCESVERBAL

Nga mbledhja e gjashtë e rregullt e Komitetit për Politikë dhe Financa, mbajtur, më 07.06.2024, me fillim nga ora 09:00 në sallën e Kuvendit të Komunës.

Mbledhjen e hapi Kryesuesi, z. Fadil Gashi, i cili përshëndeti të gjithë anëtarët e Komitetit, drejtorin e Financave, z. Enver Berisha, OSBE-në, policinë e Kosovës dhe gjithë të pranishmit.

Kryesuesi, prezantoi rendin e ditës:

1. Arsyetimi i mungesave,
2. Shqyrtimi dhe miratimi i procesverbaleve nga mbledhjet e mbajtura më datë 08.04.2024 dhe 20.05.2024,
3. Shqyrtimi i draft-kornizës afatmesme buxhetore 2025-2027 (Ref.drejt.fin.),
4. Shqyrtimi i propozim-vendimit për transfer të mjeteve brenda kategorisë ekonomike shpenzimet kapitale (Ref.drejt.fin),
5. Shqyrtimi i raportit nga procesi i organizimit të konsultimit publik për draft-strategjinë komunale për mbrojtje nga dhuna në familje 2024-2027 (Ref. nga grupi punues),
6. Shqyrtimi i draft-strategjisë komunale për mbrojtje nga dhuna në familje 2024-2027 dhe plani i veprimit për mbrojtje nga dhuna në familje 2024-2027 (Ref. nga grupi punues),
7. Shqyrtimi i kërkesave të arritura për Komitetin për Politikë dhe Financa për muajt maj-

qershor 2024,
8. Të ndryshme.

Fadil Gashi, kryesues: Asdreni më lajmëroj se është duke ardhur, përndryshe jemi 6 anëtarë. Ne mund të vazhdojmë me mbledhjen. A ka dikush për rend të ditës?

Me 6 vota PËR u miratua rendi i ditës.

Pika 1. Arsyetimi i mungesave.

Fadil Gashi, kryesues: Tek arsyetimi i mungesave, unë edhe njëherë po e konfirmoj se 6 anëtarë jemi prezentë, Asdreni është rrugës duke ardhur, besoj se na arrin.

Pika 2. Shqyrtimi dhe miratimi i procesverbaleve nga mbledhjet e mbajtura më datë 08.04.2024 dhe 20.05.2024.

Fadil Gashi, kryesues: A ka dikush për dy proceset? Kush është për?

Me 6 vota PËR, u miratua procesverbali nga mbledhja e kaluar.

Pika 3. Shqyrtimi i draft-kornizës afatmesme buxhetore 2025-2027 (Ref.drejt.fin).

Fadil Gashi, kryesues: Këtu e kemi drejtorin e Drejtorisë së Financave, që të na bëjë një prezantim. Gjithsesi, e di që ende është nëpër diskutime në fshatra të ndryshme, nëse dëshiron një prezantim të kornizës, drejtor, urdhëro!

Enver Berisha, drejtor i FEZH: Faleminderit, drejtor, përshëndetje për anëtarët e KPF-së, për përfaqësuesit e OSBE-së, zyrës për komunitete! Realisht, tashmë është veç obligative që korniza afatmesme buxhetore të bëhet pjesë e debatit paraprakisht para se të vie në aprovim buxheti i vitit të ardhshëm kalendarik, edhe kjo ka filluar që më datën 31, dmth ekipet e Drejtorisë së Financave me drejtoritë tjera, bashkë me kryetarin e komunës veç kanë dal në terren me disa gjëra, fillimisht me bashkësinë lokale të Drenocit, Grabanicës dhe në Zajm, mandej është vazhduar me bashkësinë lokale të Ujmirit, Jashanicës dhe Gllarevës. Pjesë e debatit do të jenë

nga data 10 edhe zonat e tjera, siç janë: Budisalci, Zllakuqani, Jagoda, Sferka, kështu që, përmbillet me qytetin këtu në sallën e kuvendit dhe dmth përfundon faza e parë e dëgjimeve buxhetore për kornizën afatmesme buxhetore për kornizën vijuese.

Kështu që, pa dashur ta zgjas shumë, unë veç po i prezantoj ndryshimet ku janë tash nëpërmes viteve, për buxhetin që është planifikuar, dmth viti 2024 ky që jemi tash ka qenë prej të hyrave vetanake, planifikimi ka qenë 1 436 000 00, e që është tejkualuar për 424 000 00 euro ndërsa për vitin 2025 është 1 492 000 00, për vitin 2026 është 1 560 000 00; grantet dhe transferet qeveritare për vitin 2024-2026 kanë qenë 13 361 000 00 euro, tash janë 14 113 000 00 dhe për vitin 2026 janë 14 795 000 00 euro. Këto janë shpërndarë nëpër kategoritë të cilat ne i kemi këtu, paga dhe mëditje, mallra dhe shërbime, shërbime komunale dhe subvencione si dhe zakonisht pjesa më e rëndësishme e shpenzimeve kapitale. Dmth për paga dhe mëditje për vitin 2024 ka qenë 7 838 000 00, ndërsa për vitin 2025 janë 8 000 000 00, dhe 8 430 000 00 për vitin 2026; në mallra dhe shërbime nga 1 710 000 00, për vitin 2025 janë 1 795 000 00 dhe për vitin 2026 1 856 000 00; për shërbime komunale në 2024 kanë qenë, 250 000 00 të planifikuara, në vitin 2025 janë 260 500 00, dhe në vitin 2026 janë 275 627 00; ndërsa subvencionet kanë qenë për këtë vit 500 000 00 ndërsa janë planifikuar për këtë vit nga korniza buxhetore që ka ardhur në nivelin buxhetor 5 550 00 euro, por këtu te investimi përdoret kjo shifër, besoj do të rritet dhe të shkojë deri në rreth 800 000 00, ndërsa për vitin 2026, planifikimi nga niveli qendror ka qenë 569 000 00 euro, por edhe kjo shifër prej 2026-ës do ndryshojë, që shpenzimet kapitale kanë qenë 4 500 000 00 euro për vitin 2024, 4 962 00 për 2025-ën dhe 5 200 000 00 për vitin 2026.

Kështu që, meqenëse është ende draft fillestar, mund t'i ketë ndryshimet e veta gjatë dëgjimeve publike dhe në fund ne do të dalim në dimensionin përfundimtar pasi t'i marr të gjitha konsultimet në terren, sikur që i kanë bërë vitin e kaluar, kurse ju që i keni dëgjuar edhe përfaqësuesin e DEMOS-it se gjatë dëgjimeve publike në vitin e kaluar mbi 80% e propozimeve që kanë dalë në terren nga debatet janë inkorporuar në projektet për ndërtim 2024. Kështu që, besoj që edhe kësaj here do të marrim shumë propozime edhe nga terreni dhe që këto t'i bashkohen një projektbuxheti që është i planifikuar për vitin 2025 dhe për vitin 2026. Kështu që, ne i mirëpresim debatet që i kemi edhe këtu edhe në terren, por në fund është asambleja ajo që në muajin shtator e jep vizën e draft-buxhetit për vitin 2025, faleminderit!

Fadil Gashi, kryesues: Faleminderit shumë, drejtor! A ka dikush? Urdhëro, Tunë Deda!

Tunë Deda: Përsëritje, kryesues, për ju, përsëritje për të gjithë të pranishmit! Drejtor, këtu që e keni paraparë, p.sh., ndërtimin e rrugëve dhe infrastrukturës nëntokësore, p.sh., Gjurgjevik i Vogël, Klinafç, p.sh., i keni paraparë 50 000 euro, 30 000, 20 000, vitet nuk i keni vënë. A është për tri vite apo për një vit? Në cilin vit është paraparë?

Enver Berisha, drejtor i FEZH: Për vitin 2025- 2026. Janë tri rubrika për shkak se mundet të dallojë projekti edhe pse është në atë zonë, dmth se ne e kemi infrastrukturë rrugore dhe nëntokësore e tash aty varësisht kah vijnë nevoja e vendasve aty, banorëve, mund t'i kanalizojmë këto mjete, po si total është ajo shumë të planifikohet për atë pjesë.

Komiteti për Politikë dhe Financa, pas shqyrtimit të draft-kornizës afatmesme buxhetore 2025-2027, me 6 vota PËR, pa ndonjë vërejtje apo sugjerim, rekomandoi që e njëjta të kalojë për shqyrtim dhe miratim në Kuvend.

Pika 4 . Shqyrtimi i propozim-vendimit për transfer të mjeteve brenda kategorisë ekonomike shpenzimet kapitale (Ref.drejt.fin).

Lidhur me këtë pikë të rendit të ditës, drejtori i FEZH kërkoi të bëhet transfer i mjeteve brenda OB nga kategoria ekonomike Shpenzimet kapitale (kod i -300), fondi burimor 10.

Nga programi Bujqësia, Pylltaria dhe Zhvillimi Rural (470), nën-programi Bujqësia-Klinë (47018), kod i funksional (0421) nga kategoria ekonomike Shpenzimet Kapitale (300) fondi 10, projekti “Ndërtimi i kanaleve të ujitjes Budisalc-Jagodë-Radulloç,Poterq-Dollove”, kod i projektit (54346), shuma prej 19,847.00 €, të transferohet në:

Programin Planifikimi Urban dhe Mjedisor (660), nën-programi Planifikimi Urban dhe Inspeksioni (66395), kod i funksional (0620) në kategorinë ekonomike Shpenzimet Kapitale (300) fondi 10, projekti “Ndërtimi i infrastrukturës nëntokësore dhe mbitokësore Krushevë e Vogël (trotuari Klinë-Zllakuqan)”, kod i projektit (54341) shuma 9,763.00 €.

Programin Planifikimi Urban dhe Mjedisor (660), nën-programi Planifikimi Urban dhe Inspeksioni (66395), kod i funksional (0620) në kategorinë ekonomike Shpenzimet Kapitale (300) fondi 10, projekti “Ndërtimi i segmenteve dhe infrastrukturës nëntokësore të rrugës “Ymer Berisha”, “Drini i Bardhë”, “Skender Rexhepi”, “Abedin Rexha”, “Mehmet Haxhaj”, “Haxhi Zeka”, kod i projektit (54272) shuma 1,781.13 €.

Programin Shëndetësia dhe mirëqenia sociale (730), nën-programin Shërbimet e shëndetësisë primare (74050) me kod funksional (0721) në kategorinë ekonomike Shpenzimet Kapitale (300), fondi 10, projekti “Ndërtimi i nxehjes qendrore me pompa termike në QKMF Klinë”, kod i projektit (54361), shuma 6,000.00 €.

Programin Shërbimet Publike, Mbrojtja Civile, Emergjencia (180), nën-programin Infrastruktura Rrugore - Klinë (18018) me kod funksional (0451) në kategorinë ekonomike Shpenzimet Kapitale (300), fondi 10, projekti “Ndërtimi i rrjetit të ndriçimit publik Krushevë e Vogël-Madhe, Drenoc, Qeskovë, Jashanicë, Leskoc, Ranoc”, kod i projektit (54353), shuma 2,302.87 €.

Komiteti për Politikë dhe Financa, pas shqyrtimit të propozimit për transfer të mjeteve në kategorinë e shpenzimeve kapitale, me 6 vota PËR, rekomandoi që propozim-vendimi të kalojë për shqyrtim dhe miratim në Kuvend.

Pika 5. Shqyrtimi i raportit nga procesi i organizimit të konsultimit publik për draft-strategjinë komunale për mbrojtje nga dhuna në familje 2024-2027 (Ref. nga grupi punues).

Fadil Gashi, kryesues: Urdhëro, drejtor!

Enver Berisha, drejtor i FEZH: Po, faleminderit, kryesues! Drejtori i Administratës i cili ka pasur të referojë këtu, më njoftoj se është në gjykatë dhe nuk mund të mbërrij, por mu lut që t'i jap këto sqarime sepse komisioni e ka kryer punën e vet, debatet janë bërë dhe ky dokument është i harmonizuar edhe me nivelin qendror dhe unë rekomandoj që kjo të shkojë në asamble komunale dhe për asamble besoj drejtori do të jetë prezent dhe do ta prezantojë këtë rregullore.

Fadil Gashi, kryesues: Faleminderit, a ka dikush? Atëherë, kush është për?

Komiteti për Politikë dhe Financa, pas shqyrtimit të raportit nga procesi i organizimit të konsultimit publik për draft-strategjinë komunale për mbrojtje nga dhuna në familje 2024-2027, me 6 vota PËR, rekomandoi që i njëjti të kalojë për shqyrtim në Kuvend.

Pika 6. Shqyrtimi i draft-strategjisë komunale për mbrojtje nga dhuna në familje 2024-2027 dhe plani i veprimit për mbrojtje nga dhuna në familje 2024-2027 (Ref. nga grupi punues).

Komiteti për Politikë dhe Financa, pas shqyrtimit të draft-strategjisë komunale për mbrojtje nga dhuna në familje 2024-2027 dhe plani i veprimit për mbrojtje nga dhuna në familje 2024-2027, pa ndonjë vërejtje apo sugjerim, me 6 vota PËR, rekomandoi që i njëjti të kalojë për shqyrtim dhe miratim në Kuvend.

Pika 7. Shqyrtimi i kërkesave të arritura për Komitetin për Politikë dhe Financa për muajt maj-qershor 2024.

Kërkesa 1.

Kërkesë për regjistrim të këmbimit të pronës e parashtruar nga Stanka Bogiqeviq nga fshati Drenoc i Komunës së Klinës e cila thekson se, që nga viti 1966 shkolla fillore në fshatin Drenoc me marrëveshje për këmbim prone me prindin tim të ndjerë, është ndërtuar në një pjesë të pronës sime, por ajo pjesë e tokës juridikisht ende është në emrin tim, ndërsa toka që i është

dhënë si këmbim ende është në emër të kooperativës bujqësore "Bistrica" nga Drenoci. Andaj kërkon që të fillojnë procedurat ligjore për rregullimin e gjendjes faktike, pjesa e cila shfrytëzohet nga shkolla të kalojë në emër të shkollës, ndërsa pjesa e cila është në emër të kooperativës të kalojë në emrin e saj.

Fadil Gashi, kryesues: A po pajtoheni që ta dërgojmë këtë lëndë në Drejtorinë për Kadastër e le të merren ata me shqyrtimin e lëndës në detaje edhe me na kthyer një raport pastaj. Ata e kanë juristin, gjeodetët, kadastrën, arkivin, prandaj ata duhet me na pasqyruar me ndonjë dokument. Po, urdhëro, Tunë?

Tunë Deda: Kryesues, nuk është ky rast i vetëm, ka shumë raste të këtij lloji, por unë pajtohem shumë me ty, që kjo të shkojë së pari në Gjeodezi me këqyr çka aty të meta, pastaj me dërguar në kuvend. Unë se di as kuvendi që mund të sjell ndonjë vendim, përpos që në fund të fundit me pasur rrugë ligjore, se nuk e di a ka të drejtë komuna për një ndryshim që është bërë para 30 apo 40 vite me vendim për këmbim. Pajtohem me vendimin e juaj, që të shkojë njëherë së pari në gjeodezi, pastaj të vij njëherë në komitet muajin e ardhshëm edhe ne me dërguar në kuvend çka mundet me nxjerr.

-Komiteti për Politikë dhe Financa, pas shqyrtimit të kërkesës së parashtruar nga znj. Stanka Bogiqeviq, me 6 vota PËR, rekomandoi që kërkesa të kalojë për shqyrtim në Drejtorinë për Kadastër, Gjeodezi dhe Pronësi.

Kërkesa 2.

Kërkesë e parashtruar nga HANDIKOS, kryetarja Vjollca Preka, me anë të së cilës kërkojnë sigurimin e një objekti për aktivitetet dhe nevojat e tyre, një zyre 20m², një sallë për takime dhe trajnime të ndryshme 25m² dhe një depo për mjete ortopedike dhe sanitare 20m². Gjithashtu kërkojnë që të përkrahen vazhdimisht për plotësimin e kushteve dhe të drejtat e personave me aftësi të kufizuara të cilët janë mbi 450 anëtarë.

Fadil Gashi, kryesues: Unë personalisht jam për. Urdhëro, Tunë?

Tunë Deda: Po, kryesues, e pash kërkesën edhe është kërkesë shumë me vend.

Është mirë të ju dilet në ndihmë sepse është kategori e veçantë, dhe numri i anëtarëve bukur i madh. Komuna i ka disa zyra që i ka të parapara me i dhënë me qira edhe me sjell një vendim në kuvend për me ja dhënë këtyre.

Komiteti për Politikë dhe Financa, pas shqyrtimit të kërkesës së parashtruar nga

HANDIKOS për sigurimin e një objekti për plotësimin e nevojave të tyre, me 6 vota PËR, rekomandoi që kërkesa të dërgohet për shqyrtim në Zyrën e Kryetarit dhe në Drejtorinë për Administratë.

Kërkesa 3.

Kërkesë e parashtruar nga Alush Asanaj nga fshati Gllarevë, i cili me anë të kësaj kërkesë, kërkon që t'i jepet në shfrytëzim një pjesë prej 3 ari nga parcela me Nr. P-71010034-01074-1, pronë shoqërore e Komunës së Klinës e cila gjendet në rrugën "Abedin Rexha" pa numër. Gjithashtu, thekson se prona në fjalë gjendet afër shtëpisë së tij dhe se planifikon të ndërtojë një objekt për zhvillimin e një biznesi bazuar në kushtet ndërtimore dhe lejen e dhënë ashtu siç përcaktohet me ligj.

Fadil Gashi, kryesues: Kush është për?

Komiteti për Politikë dhe Financa, pas shqyrtimit të kërkesës së parashtruar nga Alush Asanaj, me 6 vota PËR, rekomandoi që kërkesa të dërgohet për shqyrtim në Zyrën e Kryetarit, ku do të veprohet sipas Ligjit Nr.06./L-092 dhe Rregullores (QRK) Nr. 09/2020 për përcaktimin e procedurave të dhënies në shfrytëzim dhe këmbim të pronës së paluajtshme të komunës.

Pika 8. Të ndryshme.

Fadil Gashi, kryesues: A ka dikush? Atëherë, faleminderit shumë për pjesëmarrje dhe angazhim!

**Procesmbajtësja,
Monika Palushi**



**KRYESUESI,
Fadil Gashi**

